



THIRRJE PËR BOTIM ARTIKUJSH
“BULETINI SHKENCOR”,
SERIA E SHKENCAVE TË ZBATUARA,
UNIVERSITETI “FAN S. NOLI”

Ju njoftojmë se janë hapur aplikimet për botim të artikujve shkencorë në “Buletini Shkencor”, Seria e Shkencave të Zbatuara ISSN:2078-7111, botim i Universitetit “Fan S. Noli”. Mirëprehen punime shkencore të kërkuesve shkencorë, të personelit akademik, studentëve, si dhe punime origjinale të studiuesve nga institucione të tjera, brenda dhe jashtë vendit. Artikujt duhet të jenë rezultat i studimit, veprimtarisë profesionale apo kërkimore-shkencore të vetë autorit/autorëve dhe të mos jenë botuar më parë në ndonjë periodik apo publikim tjetër.

Afati i dorëzimit: 27 shtator 2024

Kritere:

- Artikujt dorëzohen në gjuhën shqipe ose anglisht, në format të printuar dhe elektronik, Kopja elektronike duhet të jetë në format **.pdf** dhe në format **.doc** ose **.docx**.
- Dorëzimi bëhet pranë Sekretarisë së Këshillit Botues, Biblioteka Shkencore, Godina e Rektoratit/ Email: buletini@unkorce.edu.al
- Artikulli dorëzohet i redaktuar dhe i shkruar sipas kriterëve të përcaktuara në Rregulloren e Buletinit Shkencor.
- Artikulli mund të dorëzohet edhe në formën e një rasti studimor ("Case Study"), kur trajton në formë të hollësishme një problem me rëndësi kombëtare në konceptin shkencor.
- Artikulli i plotë, duhet të përfshijë në një total prej 10 faqesh tekstin, materialin grafik dhe tabelat së bashku me digjiturat përkatese, si dhe listën e referencave.

Standardet e dorëshkrimit:

Artikulli ndërtohet duke respektuar skemën e mëposhtme:

- a. **Titulli** (bold 12 pt.): Sa më i shkurtër dhe përmbledhës të jetë e mundur.
- b. **Autorësia** (italic 10 pt): Emër/Mbiemër shoqëruar me indekse sipër mbiemrit (I), (2) etj., të cilat shoqërohen me referimin e plotë të emërimit dhe adresës së institucionit nga vjen autori që i përkon indeksi. Indekset me adresat renditen menjëherë poshtë autorëve, secila në një rresht duke nisur nga adresa e autorit të parë, e cila shoqërohet dhe me një kontakt e-mail

- c. **Abstrakti** (Italic 12 pt): në 250 fjalë (përafërsisht 15 rreshta) duhet të bëhet një përmbledhje e shkurtër e qëllimit të punimit, përfundimeve dhe rezultateve kryesore. Abstrakti nuk duhet të përmbajë referenca dhe shkurtime.
- d. **Fjalët Kyçe**: (Italics 10 pt): një sasi prej maksimumi 6 fjalësh kyç.
- e. **Teksti kryesor**
- Teksti i dorëshkrimit paraqitet në madhësinë e faqes A4 (përmasa 21x29.7cm), hapësira mes rreshtave "Line spacing" = single, çka nënkupton një sasi të përafërt prej 800 fjalësh për faqe.
 - Përmasat e shkrimit "font size", janë 12pt (Times New Roman) dhe hapësira në anët e fletës "margins" do të jetë 3cm në anën e majtë (Left margin) dhe 2,5 cm në tri anët e tjera (lart-top; djathtas-right; poshtë-bottom).
 - Ndërtohet i ndarë në seksione sipas radhës: HYRJA, QËLLIMI, METODOLOGJIA E PËRDORUR, REZULTATET, DISKUTIMI I REZULTATEVE dhe PËRFUNDIME. Titujt e seksioneve janë Bold, UPPERCASE (krejt me shkronja kapitale) dhe mund të ndahen deri në dy nënseksione, titujt e të cilëve dallohen në formatim në këtë mënyrë:
 - Seksion: niveli i parë 1 -TITULLI I SEKSIONIT (bold);
 - Nënseksioni i nivelit të parë 2: Titulli i Nënseksionit 1 (bold, shkronja e parë e çdo fjale kapitale, të tjerat të vogla);
 - Nënseksioni i nivelit të dytë: Titulli i Nënseksionit 2 (italic, shkronja e parë e çdo fjale kapitale, të tjerat të vogla).
- f. Përdorimi i **shkurtimeve**: në artikull mund të përdoren shkurtime, kuptimi i të cilave duhet të jetë sqaruar në përdorimin e parë.
- g. **Njësitë** e përdorura në Buletinin Shkencor duhet të përputhen me ato të Sistemit Ndërkombëtar të Njësive.
- h. **Dixhurat e figurave**: duhen paraqitur nën çdo figurë bashkë me referimet përkatëse.
- i. **Referencat**: duhen paraqitur në tekst. Në tekst referenca paraqitet (Mbiemri E. viti) ku E. nënkupton inicialin e emrit: Për referencë me dy autorë (Mbiemri 1 El. Mbiemri 2 E2. Viti) për referencë me më shumë se dy autorë (Mbiemri 1 E 1., etj. al. viti).
- Referencat, në listën e referencave, renditen sipas rendit alfabetik, ku i pari në radhë është artikulli më i vjetër nga pikëpamja kronologjike. Nëse një autor apo një grup i njëjtë autorësh kanë botuar në të njëjtin vit, dy apo më shumë artikuj që referohen në artikull, atëherë ata dallohen nga indekset A, B ... etj. (alfabeti latin, jo ai shqiptar), të cilat vendosen përpara vitit dhe citohen në tekst. P.sh. (Mbiemri E. 1999A), (Mbiemri E. 1999B), e po kështu me rastet për dy apo më shumë se dy autorë.
 - Nëse në një paragraf citohen më shumë se një referencë ato futen të gjitha në një kllapë rrumbullake dhe ndahen me pikëpresje (;). Psh (Mbiemri E. Viti; Mbiemri 1 El., Mbiemri2 E2. Viti).
 - Në listën e referencave duhet dalluar nëse referenca i përket një libri të plotë, një kapitulli të veçantë nga një libër, një teze ose mikroteze PhD., një raport i apo një artikulli në një periodik shkencor.

- Në referencë duhet paraqitur saktë titulli, viti, vendi i botimit dhe viti i botimit, kodet ISSN për revistat shkencore dhe ISBN për librat, si dhe sasia apo totali i faqeve të materialit të referuar.
- Rradhitja e të dhënave të një reference në listën e referencave është:
- Emri 1, Mbiemri 1; Emri 2, Mbiemri 2; , , Emri n, Mbiemri n; (viti i botimit). Titulli. Lloji i materialit të cituar. Titulli i botimit nëse është revistë. Të dhënat e botimit. Vendi i botimit, numri i faqeve, kodi ISSN apo ISBN.

Për më tepër informacion mund t'i drejtoheni Sekretares së Këshillit Botues, znj. Eftiona Bylykbashi, godina e Rektoratit, në mjediset e Bibliotekës Shkencore, ose të dërgoni e-mail në adresën buletini@unkorce.edu.al

Ju falënderojmë!
